

INFORME SOBRE A CONTA XERAL DO EXERCICIO DE 2024

Ao obxecto de dar cumprimento ao previsto no artigo 208 do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais e Regras 47 e 48 da Orde HAP/1781/2013, de 20 de setembro, pola que se aproba a Instrución do Modelo Normal de Contabilidade Local, formouse a Conta Xeral da Entidade Local correspondente ao ano 2024.

O informe que se vai a subscribir sobre a Conta Xeral, límitase aos aspectos formais da mesma, xa que a formación da memoria foi desenvolvida desde o servizo de Contabilidade, sendo a competencia da Dirección Superior Contable a formación da Conta.

1.- NORMATIVA REGULADORA

Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais: artigos 208-212 (Conta Xeral). artigos 191-193 (Liquidación de Orzamento)

Regulamento orzamentario (RP), aprobado polo Real Decreto 500/1990, de 20 de abril (BOE núm. 101, de 27 de abril de 1.990; corrección de erros en BOE núm. 136, de 7 de xuño de 1.990): artigos 89-105 (Liquidación de Orzamentos).

Orde HAP/1781/2013, de 20 de setembro, pola que se aproba a Instrución do modelo normal de Contabilidade Local, (IMNCL), Regras 44 a 51. Plan Xeral de Contabilidade Pública adaptado á Administración Local, anexo á IMNCL, modelo normal.

Orde EHA/3565/2008, de 3 de decembro, pola que se aproba a estrutura dos orzamentos das entidades locais coa modificación incorporada pola Orde HAP/419/2014.

Orde HAP/2105/2012, de 1 de outubro, pola que se desenvolven as obrigas de subministración de información previstas na Lei Orgánica 2/2012, de 27 de abril, de Estabilidade Orzamentaria e Sustentabilidade Financeira, coa modificación operada pola Orde HAP/2082/2014, de 7 de novembro, pola que se modifica a Orde HAP/2105/2012.


Orde HAC/836/2021, de 9 de xullo, pola que se aproban as normas pra a formulación de contas anuais consolidadas no ámbito do Sector Público Local.

Real Decreto 1463/2007, de 2 de novembro, polo que se aproba o regulamento de desenvolvemento da Lei 18/2001.

Lei Orgánica 2/2012, de 27 de abril, de Estabilidade Orzamentaria e Sustentabilidade Financeira (LOEOSF).



Copia do documento - Concello de Vigo	Data impresión: 14/05/2025 08:33	Páxina 1 de 8
305-143	CSV: ACADÉE-E8C72F-EA21E8-7ESSQ7-P8SSEJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
INTERVENCIÓN XERAL

Expediente nº 305/143
CONTA XERAL 2024

Regulamento Nº 549/2013, do Parlamento Europeo e do Consello, de 21 de maio (SEC-2010), relativo ao Sistema Europeo de Contas Nacionais e Rexionais da Unión Europea.

Lei 7/1985, de 2 de abril, Reguladora das Bases de Réxime Local coa modificación introducida pola Lei 57/2003, de 16 de decembro, para a modernización do goberno local, coa modificación incorporada pola Lei 27/2013, de 27 de decembro, de Racionalización e Sustentabilidade da Administración Local (LRSAL).

Real Decreto 128/2018, de 16 de marzo, polo que se regula o réxime xurídico dos funcionarios de Administración Local con habilitación de carácter nacional.

2.- TRAMITACIÓN (Modificación introducida pola disposición final 19 da Lei 11/2020, de 30 de decembro)

Os artigos 208, 209 e 212 do TRLRFL, aprobado polo RDL 2/2004, así como a Regra 51 da IMNCL, regulan os diferentes prazos de tramitación da Conta Xeral:

Rendición de estados e contas: En cumprimento do previsto no artigo 212.1 do TRLRFL, o Presidente da entidade renderá a conta antes do 15 de maio do exercicio inmediato seguinte ao que corresponda. O apartado 2) do devandito precepto, establece que a Conta Xeral de cada exercicio someterase antes do 1 de xuño do exercicio inmediato seguinte a informe da Comisión Especial de Contas da entidade local.

A conta xeral, co informe da Comisión Especial de Contas, será exposta ao público por un prazo de 15 días durante os cales os interesados poderán examinala e presentar reclamacións, reparos ou observacións. Examinados estes pola Comisión Especial e practicadas por esta cantas comprobacións estime necesarias emitirá novo informe. Acompañada dos informes da Comisión Especial e das reclamacións e reparos formulados, someterase ao Pleno da Corporación antes do 1 de outubro. Unha vez que o Pleno se pronuncie sobre a Conta Xeral, aprobándoa ou rexeitándoa, o presidente da corporación renderaa ao Tribunal de Contas.

Sometida a Conta Xeral aos trámites anteriores, remitirase a mesma ao Tribunal de Contas e ao Órgano Fiscalizador Externo que corresponda antes do 15 de outubro, seguindo os procedementos telemáticos e formatos que a normativa vixente teña previsto en canto á transferencia de datos.

3.- CONTIDO

A Conta Xeral do Excmo. Concello de Vigo correspondente ó ano 2024, está integrada polos entes con orzamento limitativo seguintes:


- A da propia Entidade.
- O. A. Xerencia Municipal de Urbanismo.

Informe Conta Xeral 2024 do Concello de Vigo

2



Copia do documento - Concello de Vigo	Data impresión: 14/05/2025 08:33	Páxina 2 de 8
305-143	CSV: ACAD EE-E8C72F-EA21E8-7ESSQ7-P8SSEJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
INTERVENCIÓN XERAL

Expediente nº 305/143
CONTA XERAL 2024

As fundacións que forman parte do perímetro de consolidación aos efectos da Lei Orgánica 2/2012, de Estabilidade Orzamentarias e Sustentabilidade Financeira, a consolidación afectará a todo o perímetro que conforma o Grupo Concello de Vigo, polo que se farán os axustes e equivalencias nas Fundacións aos efectos de homoxeneización das contas contables.

A información que incorpore á oficina virtual do Tribunal de Contas, deberá conter toda a información relativa aos entes que conforman o perímetro de consolidación.

Delimitación da Conta Xeral.

De conformidade co previsto no artigo 209 do TRLRHL, aprobado polo RDL 2/2004 e Regra 50 da IMNCL, a Conta Xeral da Entidade mostrará a imaxe fiel do patrimonio, da situación financeira, dos resultados e da execución do orzamento.

Documentación de Réxime Público.

O Concello de Vigo presenta a súa Conta Xeral co detalle previsto no art. 209.2 do TRLRHL, aprobado polo RDL 2/2004 e Regra 48 da IMNCL modelo normal.

Preséntase igualmente os estados consolidados tal e como esixe o apartado 4 do artigo 209 do TRLRFL e a Orde HAC/836/2021, de 9 de xullo, pola que se aproban as normas pra a formulación de contas anuais consolidadas no ámbito do Sector Público Local no seu anexo, conformando estes estados os seguintes:

Balance consolidado.

Estado de cambios no Patrimonio Neto consolidado.

Estado de Ingresos e Gastos Recoñecidos consolidado.

Estado de Fluxos de Efectivo consolidado.

Liquidación do Orzamento de Gastos clasificados por Áreas de gasto consolidados.

Liquidación do Orzamento de Gastos clasificado por Capítulos consolidados.

Liquidación do Orzamento de Gastos, Obrigas de Orzamentos pechados, clasificado por Capítulos consolidados.

Compromisos de gasto con cargo a exercicios posteriores consolidado.

Liquidación do Orzamento de Ingresos clasificado por Capítulos consolidados.

Liquidación de Dereitos a Cobrar de orzamentos pechados, clasificados por Capítulos consolidados.


Compromisos de ingresos con cargo a orzamentos posteriores

Resultado Orzamentario consolidado, sen axustes tal e como establece o modelo do anexo.

Indicadores financeiros e patrimoniais consolidados.



Copia do documento - Concello de Vigo	Data impresión: 14/05/2025 08:33	Páxina 3 de 8
305-143	CSV: ACADEE-E8C72F-EA21E8-7ESSQ7-P8SSEJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Os apartados c) e d) da regra 9 da Instrución de Contabilidade «Da Intervención ou órgano da entidade local que teña atribuída a función de contabilidade» quedaron redactados pola DF décima terceira da Lei 3/2017, de 27 d xuño, de Orzamentos Xerais para o devandito ano, como segue, «c) Formar as contas anuais consolidadas con arranxo ao establecido nas Normas para a formulación de contas anuais consolidadas no ámbito do sector público local.

d) Solicitar das entidades dependentes, multigrupo e asociadas a presentación das contas anuais, no seu caso, o correspondente informe de xestión e, cando cumpra, o informe de auditoría, así como calquera outra información que se considere necesaria para a formación da Conta Xeral e, no seu caso, para a elaboración das contas anuais consolidadas.»

Documentos que integran as contas anuais

- Balance.
- Conta do resultado Económico-Patrimonial.
- Estado de cambios no Patrimonio Neto.
- Estado de fluxos de efectivo.
- Estado de liquidación do Orzamento.
- Memoria e demais estados complementarios.

Ás contas anuais, achegarase a acta de arqueo, as notas e certificacións de cada entidade bancaria dos saldos existentes e a conciliación se fose o caso. A este respecto, nos estados e informes que conforma Conta Xeral, ten incluída toda a información solicitada.

Estes estados conforman unha unidade e deben ser redactados con claridade e amosar a imaxe fiel do patrimonio, da situación financeira, do resultado económico patrimonial, e da execución do orzamento de conformidade co Plan de Contas.

Composición da memoria.


A Orde HAP/1781/2013, de 20 de setembro, pola que se aproba a Instrución do modelo normal de Contabilidade Local, regula a estrutura e contido da memoria, os distintos documentos que a conforman, así como aqueles sobre os que resultase necesario un comentario ou explicación dos cambios que se produciron ao longo do exercicio económico.

4.- CONTADANTES

A regulación está contida na Regra 50 da Instrución de Contabilidade. Son contadantes os titulares das entidades e órganos suxeitos á obriga de render contas e, en todo caso:



Copia do documento - Concello de Vigo	Data impresión: 14/05/2025 08:33	Páxina 4 de 8
305-143	CSV: ACAD EE-E8C72F-EA21E8-7ESSQ7-P8SSEJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
INTERVENCIÓN XERAL

Expediente nº 305/143
CONTA XERAL 2024

O Presidente da entidade local para a Entidade Local e o Presidente do O. A. Xerencia Municipal de Urbanismo. Os contadantes son responsables da información contable, e correspóndelles render as contas nos prazos legalmente previstos. A responsabilidade de presentar a información veraz en que se concreta na rendición de contas é independente da responsabilidade na que incorran quen adoptaron as resolucións ou realizaron os actos reflectidos nas devanditas contas.

Os contadantes deberán remitir as súas contas anuais, coa documentación complementaria á que se refire a regra 45.3 da Instrución de Contabilidade á Intervención ou órgano da entidade local que teña atribuída a función de contabilidade nos prazos legalmente previstos. Os estados remitidos son: Balance, Conta do resultado Económico-Patrimonial, Estado de cambios no Patrimonio Neto, Estado de fluxos de efectivo, Estado de liquidación do Orzamento, Memoria e demais estados complementarios.

A remisión da documentación que conforma a Conta Xeral foi remitida en prazo, polo que a súa rendición cumpre cos prazos que regulan os artigos 208, 209 e 212 do TRLRFL.

A documentación que conforma en cada caso o expediente da Conta Xeral, é completa.

A memoria que se incorpora á Conta Xeral para a Entidade Local e Organismo Autónomo, describe de forma detallada as variacións que se produciron nos estados e contas anuais, os debedores e acredores tanto por operacións orzamentarias como non orzamentarias, na Tesourería, así como todas aquelas variacións que se consideraron relevantes e, por iso, deben ser obxecto dalgún comentario.

En canto á análise das contas que conforman o inmovilizado, contas de debedores, acredores, resultado económico-patrimonial e demais estados anuais, a memoria é explicativa da súa composición e variación.

Tendo en conta o carácter formal deste informe, a memoria no desenvolvemento dos epígrafes que a compoñen e para cada un dos estados, inclúe as notas que explican as variacións, polo que, non se engaden notas adicionais.


O mesmo é aplicable ao apartado primeiro da memoria, onde se incorpora con detalle a organización e actividade, a estrutura política, administrativa, o detalle dos recursos que financian a entidade e a súa composición, xestión indirecta dos servizos, entidades nas que participa o Concello, etc.

5.- FONTES DE FINANCIAMENTO DO ESTADO DE INGRESOS DA ENTIDADE LOCAL

En canto aos recursos que conforman o estado de ingresos do Orzamento, a entidade nítrese basicamente dos seus impostos, taxas e prezos públicos, así como da cesión de rendementos recadatorios de impostos estatais, Fondo Complementario de Financiamento e participación nos ingresos da Comunidade Autónoma.



Copia do documento - Concello de Vigo	Data impresión: 14/05/2025 08:33	Páxina 5 de 8
305-143	CSV: ACADEE-E8C72F-EA21E8-7ESSQ7-P8SSEJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Pola súa transcendencia e peso na estrutura xeral de financiamento da Entidade, a Cesión de Tributos e o Fondo Complementario de Financiamento conforma unha porcentaxe moi relevante dos recursos correntes non financeiros, sendo un financiamento non condicionado, condición que tamén ten a participación dos municipios nos tributos da Comunidade Autónoma xestionados a través do Fondo de Cooperación Local.

Cesión de tributos, Transferencias e Subvencións correntes doutras Administracións.

No epígrafe 1.4) da memoria, relaciónanse as principais fontes de ingresos: Administración de Estado, Comunidade Autónoma, Deputación, UE, así como o detalle dos recursos propios, atendendo aos distintos capítulos e o detalle por impostos e taxas.

6.- EFICIENCIA.

Información sobre o custe das actividades.

Até as contas anuais correspondentes ao exercicio 2017, as entidades que aplican a Instrución aprobada pola Orde HAP/1781/2013, non estaban obrigadas a incluír a información sobre o custe das actividades e os Indicadores de xestión que conforman as notas 26 e 27 da Memoria.

Á Conta do ano 2024, incorpóranse novos servizos e actividades segundo o desenvolvemento e estrutura que regulan os apartados 26 e 27 da memoria.

En canto aos servizos avaliados neste ano, a memoria fai unha relación, sendo 66 actividades, en algún caso, é o centro de custe, que son relacionadas no apartado 27 da memoria.

Os indicadores de xestión que regula o apartado 27 da memoria, permite obter os informes seguintes:

- Indicadores de eficacia.
- Indicadores de eficiencia.
- Indicadores de economía.
- Indicadores de medios de produción.


Segundo se fai constar na memoria, o obxectivo é seguir no proceso de desagregación de actividades e conseguir avaliar en termos de custe e rendemento todas aquelas que teñen unha singularidade propia. Neste ano, profundouse en novas actividades no Servizo de Benestar Social así como a desagregación de servizos deportivos, sendo obxecto dos indicadores que regula a memoria, 40 actividades, aínda que o estudo de custes fíxose para 66.

7.- EFICACIA

O apartado b) do artigo 211 do TRLRFL, está a esixir unha memoria demostrativa do grao en que se houberen cumprido os obxectivos programados.



Copia do documento - Concello de Vigo	Data impresión: 14/05/2025 08:33	Páxina 6 de 8
305-143	CSV: ACAD EE-E8C72F-EA21E8-7ESSQ7-P8SSEJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



En este sentido, o instrumento que mellor mide a consecución dos obxectivos son os indicadores orzamentarios.

A memoria que se presenta, no seu epígrafe 25.1 e 25.2, reflicte os indicadores patrimoniais, financeiros e orzamentarios, así como unha táboa de indicadores e magnitudes, na que se mide a consecución dos obxectivos en termos porcentuais.

Os indicadores constitúen unha ferramenta para que o xestor público poida tomar decisións e para o control do que está sucedendo. Os indicadores non son un obxectivo en si mesmo, son instrumentos para avaliar e comparar a xestión.

A IMNCL establece distintos tipos de indicadores: Financeiros e Patrimoniais, Orzamentarios de Orzamento Corrente e de pechados, así como os de xestión. Na memoria aparecen separados ambos grupos, dando cumprimento aos requirimentos da Instrución de Contabilidade.

Achégase na memoria un cadro de indicadores distintos dos anteriores, así como as magnitudes mías relevantes de forma comparativa.

8.- PRINCIPIOS CONTABLES (Primeira parte do PXCPAL)

As bases de presentación informan sobre os principios contables públicos aplicados, así como aqueles que por razóns xustificadas non se aplicasen e a incidencia nas contas anuais que puidesen terse feito, achegando, se fose o caso, a explicación das causas que puidesen impedir a comparación homoxénea das contas e estados contables.

Como queda acreditado na memoria que se presenta, foron aplicados todos os principios contables, non houbo excepcións ao contido do regulamentado na primeira parte do PXCPAL.

9.- NORMAS DE RECOÑECIMIENTO E VALORACIÓN (segunda parte do PXCP)

Teñen como finalidade indicar os criterios tidos en conta no rexistro dos feitos contables, referidos ao inmovilizado, amortizacións, previsións, investimentos financeiros, dereitos e obrigas Orzamentarias e non orzamentarias.


A memoria desenvolve os criterios tidos en conta a aplicar a cada masa.

10.- FISCALIZACIÓN

En relación ao estado de gastos, seguiuuse o procedemento de fiscalización previa previsto no art. 214 e ss. do TRLRFL, aprobado polo RDL 2/2004, ao non facer uso da posibilidade de implantación da fiscalización limitada autorizada e regulada para a Administración Local polos arts. 219.2 e 3 do TRLRFL e art. 13 do Real Decreto 424/2017, de 28 de abril.



Copia do documento - Concello de Vigo	Data impresión: 14/05/2025 08:33	Páxina 7 de 8
305-143	CSV: ACAD EE-E8C72F-EA21E8-7ESSQ7-P8SSEJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
INTERVENCIÓN XERAL

Expediente nº 305/143
CONTA XERAL 2024

En relación ao estado de ingresos, ao amparo do previsto no artigo 219.4 do TRLRFL e artigo 9 do Real Decreto 424/2017, a fiscalización previa dos dereitos substitúese pola inherente toma de razón en contabilidade, establecéndose as actuacións comprobatorias posteriores que determina esta Intervención Xeral por procedementos de mostraxe.

O réxime de fiscalización aplicable é o regulamentado no Real Decreto Lexislativo 2/2004, Real Decreto 128/2018, Real Decreto 424/2017 e Bases de Execución.

Conclusión

A Conta Xeral que se presenta correspondente ao exercicio 2024, da Entidade Local e do seu Organismo Autónomo e os estados consolidados coas Fundacións MARCO e CONVENTION BUREAO, formouse tendo en conta os modelos e informes que establece a Terceira parte do Plan Xeral de Contabilidade Pública adaptado á Administración Local, suxeitándose tódolos rexistros e feitos contables acontecidos no ano 2024 aos principios de contabilidade e ás normas de valoración que regula a Primeira e Segunda parte do Plan Xeral de Contabilidade Pública adaptado á Administración Local.

A memoria e o contido que nela se reflicte, así como os estados que conforman a Conta Xeral do ano 2024, cumpren co previsto no art. 209 do TRLRHL, aprobado polo RDL 2/2004, Regra 44 da IMNCL e primeira parte do PXCP adaptado á Administración Local, representando a imaxe fiel do patrimonio, da situación financeira, dos resultados e da execución do orzamento.

A Conta Xeral someterase ás normas de tramitación que regulan os artigos 208, 209 e 212 do TRLRFL, aprobado polo RDL 2/2004, así como as Regras 49 e seguintes da Instrución do Modelo Normal de Contabilidade Local.

Polo tanto, son as memorias presentadas en cada caso, as que reflicten os feitos, esta Intervención Xeral, verificou a coherencia formal dos estados contables cos estados orzamentarios da Entidade e dos Estados consolidados, e conclúe que as mesmas axustan o seu contido ás normas que lle son de aplicación, así como ao cumprimento dos prazos legais en canto á tramitación e remisión aos Órganos de Fiscalización Externos.

LG/

En Vigo, á data da sinatura electrónica

En Vigo á data da sinatura electrónica. O INTERVENTOR XERAL MUNICIPAL: Alberto Escariz Couso



Copia do documento - Concello de Vigo	Data impresión: 14/05/2025 08:33	Páxina 8 de 8
305-143	CSV: ACADEE-E8C72F-EA21E8-7ESSQ7-P8SSEJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		